



Oznaka:
PK.11

P R A V I L N I K
O KORIŠTENJU VLASTITIH PRIHODA
JAVNE USTANOVE OSNOVNE ŠKOLE
„STARI ILIJAŠ“ ILIJAŠ

Izradio: Sead Silajdžić	Odobrio: Mahir Dević Dženita Čehajić Kulo	
Potpis:	Potpis:	<i>Kopija br:</i> 2
Izdanje: 01	Datum izdanja: __.01.2018.	<i>Strana: 1 / 4</i>

Kopiranje i distribucija dokumenta nije dozvoljena bez odobrenja ovlaštenog lica.

Na osnovu člana 14. Pravilnika o kriterijima za sticanje i raspodjelu vlastitih prihoda, budžetskih korisnika – predškolskih ustanova, osnovnih i srednjih škola i domova učenika broj: 11-01-14-32424/17 od 02.11.2017 godine i članova 12. i 128. Pravila Javne ustanove Osnovne škole “Stari Ilijaš” Ilijaš broj: 01-2/13, od 17.10.2013. godine, člana 14. Instrukcije Ministarstva za obrazovanje nauku i mlade kantona sarajevo broj: 11-01-14-32424/17, od 02.11.2017 Školski odbor Javne ustanove Osnovne škole, „Stari Ilijaš“ Ilijaš na _____ redovnoj sjednici održanoj dana _____ godine donosi :

P R A V I L N I K
O KORIŠTENJU VLASTITIH PRIHODA
JAVNE USTANOVE OSNOVNE ŠKOLE
„STARI ILIJAŠ“ ILIJAŠ

I. OPĆE ODREDBE

Član 1.

(Predmet pravilnika)

Ovim Pravilnikom utvrđuju se vrste, osnov sticanja, visina naknade i raspodjela vlastitih prihoda JU Osnovne škole „Stari Ilijaš“ Ilijaš (u daljem tekstu Škola).

Član 2.

(Pripadnost vlastitih prihoda)

Vlastiti prihodi koje ostvari škola su javni prihodi Budžeta Kantona Sarajevo, a raspoređuju se u skladu s Instrukcijom Ministarstva za obrazovanje nauku i mlade Kantona Sarajevo broj: 11-01-14-32424/17, od 02.11.2017. (u daljem tekstu: Budžet).

Član 3.

(Pojam vlastitih prihoda)

- (1) Pod vlastitim prihodima u smislu ovog Pravilnika podrazumijevaju se prihodi koje Škola ostvaruje obavljanjem osnovne djelatnosti i ostalih poslova na tržištu.
- (2) Pod vlastitim prihodima Škole ne podrazumijevaju se prihodi koje Škola ostvari obavljajući osnovnu djelatnost propisanu Zakonom o osnovnom odgoju i obrazovanju Kantona Sarajevo ili drugim propisima o osnivanju, za koju je propisima utvrđena visina naknade za usluge koje pružaju pravnim i fizičkim licima, kao ni prihodi ostvareni u internom poslovanju između Škola kao javnih ustanova Kantona Sarajevo.

Član 4.

(Način uplate vlastitih prihoda)

Uplata i evidentiranje vlastitih prihoda vrši se u skladu sa članom 4. i 5. Uredbe o utvrđivanju vlastitih prihoda, načina i rokova raspodjele ("Službene novine Kantona Sarajevo", broj 51/16).

II. STICANJE VLASTITIH PRIHODA

Član 5.

(Osnove za sticanje vlastitih prihoda)

U vlastite prihode koje ostvaruje Škola spadaju:

- Organizacije i realizacije pripremne i instruktivne nastave,
- Pružanja usluga učenicima za produženi boravak,
- Realizacija „škole u prirodi),
- Prodaje otpadnog materijala,
- Izdavanje prepisa/duplikata dokumenata,
- Reklamno-propagandne usluge,
- Izdavanje oprtme i prostora u zakup,
- Ustupanja tenderske dokumentacije u postupku javnih nabavki,
- Kopiranja i uvezivanja pisanog materijala.

Član 6.

(Naknada za realizaciju usluga)

Naknada za realizaciju usluga iz člana 5. utvrđuje se kako slijedi:

- | | |
|-------------------------------------------------------------------|--------|
| a) Instruktivna nastava za grupu od 10 i više kandidata (po času) | 4 KM |
| b) Instruktivna nastava za grupu do 10 kandidata (po času) | 8 KM |
| c) Produženi boravak za grupe učenika (naknada po učeniku): | |
| ➤ Od 16 do 21 učenika | 200 KM |
| ➤ Od 22 do 27 učenika | 185 KM |
| ➤ Od 28 do 32 učenika | 170 KM |

Za učenike koji koji ne koriste sve pogodnosti produženog boravka naknada se utvrđuje proporcionalno visini iskorištenog dijela pogodnosti (ručak, užina i drugo) na dnevnoj bazi.¹

- d) Realizacija škole u prirodi:

¹ Za učenike koji koriste poludnevni produženi boravak, a ne koriste sve usluge (ručak, užina, vrijeme provedeno u produženom boravku) naknada za produženi boravak se utvrđuje u visini iskorištene pogodnosti, a za neiskorišteni dio se ista umanjuje.

- 3 dana (2 pansiona sa prijevozom) 75 KM
- 4 dana (3 pansiona sa prijevozom) 110 KM
- 5 dana (4 pansiona sa prijevozom) 145 KM
- 6 dana (5 pansiona sa prijevozom) 180 KM

e) Izdavanje prepisa/ duplikata dokumenata:

- Izdavanje prepisa/duplikata svjedodžbe 20 KM
- Izdavanje izvoda iz nastavnog plana i programa 60 KM

f) Participacija u troškovima školovanja: u skladu s Instrukcijom kojom se definiše visina participacije u troškovima školovanja za učenike srednjih škola kao javnih ustanova na području Kantona sarajevo, koju donosi Ministar za obrazovanje, nauku i mlade Kantona Sarajevo.

g) Izdavanje opreme i prostora u zakup:

- Korištenje sportske sale, vanskjih terena i pratećih objekata - visina naknade određuje se u skladu s odredbama Pravilnika o korištenju sportske sale vanskjih terena i pratćih objekata, a kojeg usvaja Školski odbor
- Izdavanje u zakup školske kuhinje - visina naknade određuje se na osnovu provedenog postupka javnog nadmetanja u skladu s odredbama Pravilnika o javnom nadmetanju i prikupljanju ponuda javnim oglasom u postupku davanja u zakup školskih prostorija, a kojeg usvaja Školski odbor.

III. RASPODJELA VLASTITIH PRIHODA

Član 7.

Ostvareni vlastiti prihodi u cjelosti se raspoređuju Školi.

Član 8.

(Način raspodjele vlastitih prihoda)

(1) Prihodi ostvareni od organizacije i realizacije pripreme i instruktivne nastave raspoređuju se na sljedeći način:

- a) 15 KM naknade za jedan čas nastavniku koji izvodi pripremnu i instruktivnu nastavu,
- b) Ostatak prihoda dijeli se na sljedeći način:
 - 20% za naknade ostalim zaposlenicima izvan nastave koji sudjeluju u realizaciji poslova,
 - 40 % za materijalne troškove, tekuće održavanje i nabavku opreme,
 - 40% za stručno usavršavanje, sportske i kulturne aktivnosti, nagrade učenicima i ostale namjene.

(2) Prihodi ostvareni od pružanja usluga učenicima za produženi boravak i prihodi ostvareni od realizacije škole u prirodi raspoređuju se na sljedeći način:

- a) 50 % za materijalne troškove, tekuće održavanje i nabavku opreme,
- b) 40 % za nkanadu radnicima koji su sudjelovali u realizaciji poslova,

- c) 10 % za stručno usavršavanje, sportske i kulturne aktivnosti, džačke ekskurzije, takmičenja, nagrade učenicima i ostale namjene.

(3) Prihodi od prodaje otpadnog materijala se raspoređuju na sljedeći način:

- a) 20 % za materijalne troškove, tekuće održavanje i nabavku opreme,
- b) 80 % za stručno usavršavanje i sportske i kulturne aktivnosti, takmičenja, nagrade učenicima, ekskurzije i ostale namjene.

(4) Prihodi ostvareni od izdavanja prepisa/duplikata dokumenata ove instrukcije raspoređuju se na sljedeći način:

- a) 40 % za materijalne troškove, tekuće održavanje i nabavku opreme,
- b) 30% za naknadu radnicima koji su sudjelovali u realizaciji poslova,
- c) 30 % za stručno usavršavanje i sportske i kulturne aktivnosti, takmičenja, nagrade učenicima, ekskurzije i ostale namjene.

(5) Prihodi ostvareni od reklamno propagandnih usluga i izdavanja opreme i prostora u zakup, ustupanje tenderske dokumentacije u postupku javnih nabavki i kopiranja i uvezivanja pisanog materijala raspoređuju se na sljedeći način:

- a) 70% za materijalne troškove tekuće održavanje i nabavku opreme,
- d) 30 % za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

Član 9.

Škola koristi vlastite prihode koriste za plaće i naknade radnicima u situacijama kada stiče prihode od:

- Organizacije i realizacije pripremne i instruktivne nastave,
- Pružanja usluga učenicima za produženi boravaku,
- Realizacija „škole u prirodi,
- Izdavanje prepisa/duplikata dokumenata.

U drugim slučajevima škola prihode za za plaće koristi samo u izuzetnim slučajevima uz saglasnost Ministarstva za obrazovanje, nauku i mlade Kantona Sarajevo.

IV. PRAĆENJE NAPLATE I RASPOREĐIVANJE VLASTITIH PRIHODA

Član 10.

(Praćenje naplate i raspoređivanje)

- (1) Škola je obavezna da redovno prati, putem izvještaja koje dobije od Ministarstva finansija, dospelost i naplatu vlastitih prihoda.
- (2) Škola je odgovorna za potpuno i pravovremeno uplaćivanje vlastitih prihoda na depozitni račun.
- (3) Budžetski korisnici dužni su da ostvarene i naplaćene vlastite prihode rasporede na rashode u finansijskim i mjesečnim planovima izvršavanja Budžeta.

Član 11.

(Izvještaj o utrošku)

Škola, najmanje jednaput u šest mjeseci Ministarstvu za obrazovanje, nauku i mlade Kantona Sarajevo dostavlja izvještaj o sticanju i utrošku vlastitih prihoda.

V. ZAVRŠNE ODREDBE

Član 12.

(Stupanje na snagu Pravilnika)

Ovaj Pravilnik stupa na snagu danom objavljivanja, isti će biti objavljen na oglasnoj ploči škole, a nakon dobijenog mišljenja od Ministarstva finansija Kantona Sarajevo i saglasnosti Ministarstva za obrazovanje, nauku i mlade Kantona Sarajevo.

Broj : _____

Ilijaš: 29.1.2018. godine

Predsjednica Školskog odbora

Dženita Čehajić Kulo

